


თევზის ზეთის, ფქვილის და  
თევზის საკვების ექსპორტის  
გზამკვლევი



## სარჩევი

1. შესავალი .....	3
2. ვეტერინარული ჯანმრთელობის სერტიფიკატის გაცემის პროცედურები .....	4
3. საქონლის წარმოშობის სერტიფიკატის გაცემის პროცედურები .....	10
4. მარეგულირებელი საკანონმდებლო ბაზა .....	14





საქართველოს გარემოს დაცვისა და სოფლის მეურნეობის სამინისტრო  
 სსიპ სურსათის ეროვნული სააგენტო  
 სსიპ შემოსავლების სამსახური



## 1. შესავალი

წინამდებარე გზამკვლევი წარმოადგენს დოკუმენტს, რომელშიც ასახულია ყველა ის ნაბიჯი და პროცედურა, რაც დაკავშირებულია საქართველოდან, თევზის ზეთის, ფქვილის და თევზის საკვების სხვადასხვა ქვეყანაში ექსპორტის განხორციელებასთან. აღნიშნული დოკუმენტი ხელს შეუწყობს ექსპორტიორებსა და დაინტერესებულ პირებს, საიმპორტო ბაზრებზე არსებული მოთხოვნების შესაბამისად, ზედმეტი ძალისხმევის გარეშე, გაეცნონ და მოიპოვონ მათთვის საჭირო ინფორმაცია, განახორციელონ იდენტიფიცირება თუ რა სახის დოკუმენტების შეგროვებაა საჭირო და რომელ უწყებებს აქვთ აღნიშნული დოკუმენტების გაცემის უფლებამოსილება. ყოველივე ეს, საშუალებას მისცემთ თავიანთი საქმიანობა დაგეგმონ ისე, რომ მოახდინონ მნიშვნელოვანი დროისა და ფინანსური რესურსის დაზოგვა. ქვემოთ მოცემულია ყველა იმ ოფიციალური საბუთის შესახებ ინფორმაცია და მათი აღების პროცედურები, რომლებიც აუცილებელია ან/და აუცილებელი შეიძლება იყოს (იმპორტიორი ქვეყნის მოთხოვნის შესაბამისად) თევზის ზეთის, ფქვილის და თევზის საკვების ექსპორტის განსახორციელებლად.



## 2. ვეტერინარული ჯანმრთელობის სერტიფიკატის გაცემის პროცედურები

ვეტერინარული ჯანმრთელობის სერტიფიკატი - სურსათის/ცხოველის საკვების უვნებლობის მოთხოვნებთან შესაბამისობის დამადასტურებელი დოკუმენტი. სერტიფიკატში არსებული მოთხოვნები სავალდებულოა შესასრულებლად საქართველოს ტერიტორიაზე ყველა იურიდიული და ფიზიკური პირისათვის, რომელიც დაინტერესებულია საქართველოდან ვეტერინარულ კონტროლს დაქვემდებარებული პროდუქტების ექსპორტით. მისი მიღება ნებაყოფლობითია და ხორციელდება განმცხადებლის ინიციატივით.

### ➤ ვეტერინარული ჯანმრთელობის სერტიფიკატის გამცემი სახელმწიფო უწყებები:

- ✓ სსიპ „სურსათის ეროვნული სააგენტო“ <https://nfa.gov.ge/>;
- ✓ სსიპ „შემოსავლების სამსახური“ - საქართველოს საბაჟო კოდექსით განსაზღვრულ კონტროლის ზონებში <https://www.rs.ge/>. (გარდა იმ შემთხვევებისა, როდესაც სერტიფიკატის გაცემისათვის აუცილებელია, ნიმუშების აღება ანალიზისათვის).

### ➤ ვეტერინარული ჯანმრთელობის სერტიფიკატის მისაღებად წარსადგენი დოკუმენტაციის ნუსხა:

- ✓ განცხადება, რომელიც ფიზიკური ან იურიდიული პირის მიერ სერტიფიკატის გამცემ ორგანოში ელექტრონულად ან წერილობით უნდა იყოს წარდგენილი და რომელიც უნდა შეიცავდეს:
  - იურიდიული პირისათვის – ორგანიზაციის დასახელებას, საიდენტიფიკაციო კოდსა და მისამართს, ხოლო ფიზიკური პირისათვის – სახელს, გვარსა და მისამართს;
  - ტვირთის მიმღების დასახელებასა და მისამართს;
  - დანიშნულების ქვეყნის დასახელებასა და შესვლის პუნქტს;
  - საქონლის წარმოების ადგილის დასახელებას;
  - საქონლის დასახელებას, რაოდენობას, მდგომარეობას, საბოლოო გამოყენების დანიშნულებასა და ადგილმდებარეობას;
  - შეფუთვის სახეობას, ადგილების რაოდენობას;
  - სატრანსპორტო საშუალების სახეობასა და სარეგისტრაციო ნომრებს;
  - ტრანზიტული ქვეყნების დასახელებას, რომელთა გავლითაც უნდა მოხდეს საქონლის ტრანსპორტირება;
  - ინფორმაციას სატრანსპორტო საშუალების გაწმენდისა და დეზინფიცირების შესახებ;
  - მიმღები ქვეყანას და ტვირთის მიღებაზე პასუხისმგებელ პირს;
  - წარმოშობის და დანიშნულების ქვეყანას;
  - საწარმოს აღიარების ნომერს;
  - დამზადების თარიღს, საქონლის ტიპს, წონას, ლუქის/კონტეინერის ნომერს და პარტიის ნომერს;

- შეფუთვის ტიპს და შეფუთვის რაოდენობას;
  - საჭიროების შემთხვევაში, თევზის ზეთთან, ფქვილთან და თევზის საკვებთან დაკავშირებულ სხვა ინფორმაციას.
- ✓ **საქმიანობის დამადასტურებელი დოკუმენტი**, კერძოდ:
- იურიდიული პირის შემთხვევაში – ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, ხოლო ფიზიკური პირის შემთხვევაში – პირადობის მოწმობის ასლი;
  - ამონაწერი ეკონომიკური საქმიანობის რეესტრიდან;
  - საქართველოსა და საერთაშორისო მოვაჭრე ქვეყანას შორის ორმხრივი ხელშეკრულებით გათვალისწინებული დამატებითი მოთხოვნების არსებობის შემთხვევაში, სერტიფიკატის გამცემ ორგანოს ასევე წარედგინება შესაბამისი ინფორმაცია.
- **დაინტერესებული პირის განცხადების მიღებიდან 5 სამუშაო დღის განმავლობაში სსიპ სურსათის ეროვნული სააგენტო უფლებამოსილია, განახორციელოს:**
- საქონლის თანხმლები დოკუმენტაციის შემოწმება;
  - ზედამხედველობა;
  - ინსპექტირება;
  - ექვის არსებობის შემთხვევაში, ანალიზისთვის ნიმუშების აღება;



### **გახსოვდეთ:**

- ბიზნესოპერატორი რომელიც ახორციელებს თევზის ზეთის, ფქვილის და თევზის საკვების წარმოებას ან/და გადამამუშავებას საქართველოს მთავრობის 2017 წლის 29 დეკემბრის №605 დადგენილების - „ტექნიკური რეგლამენტის – „ცხოველური წარმოშობის არასასურსათო დანიშნულების პროდუქტისა (მათ შორის, ცხოველური ნარჩენების) და მეორეული პროდუქტის, რომლებიც არ არის გამიზნული ადამიანის მიერ მოხმარებისათვის, ჯანმრთელობისა და ამ საქმიანობასთან დაკავშირებული ბიზნესოპერატორის აღიარების წესების“ დამტკიცების შესახებ“- შესაბამისად ექვემდებარება სავალდებულო აღიარებას და ვალდებულია საქმიანობის დაწყებამდე აღიარებისთვის განცხადებით მიმართოს სააგენტოს.
- საქმიანობის დასაწყებად საჭიროა რეგისტრაცია ეკონომიკურ საქმიანობათა რეესტრში კოდით - 10.92.0.
- აღიარებული საწარმოდან პროდუქციის ექსპორტის შემთხვევაში ბიზნესოპერატორმა უნდა მიმართოს სურსათის ეროვნულ სააგენტოს წერილით თუ რომელ ქვეყანაში სურს განახორციელოს პროდუქციის ექსპორტი.
- სურსათის ეროვნული სააგენტოს საერთაშორისო ურთიერთობების დეპარტამენტის მიერ უნდა განხორციელდეს მითითებულ ქვეყანასთან შუამდგომლობა და კომპანიის დამატება ექსპორტის უფლების მქონე მესამე ქვეყნების სიაში.

- სერტიფიკატის შეთანხმება უნდა მოხდეს იმ შემთხვევაში თუ პირველად ხდება აღნიშნულ ქვეყანაში პროდუქციის ექსპორტი
- დამტკიცებული სერტიფიკატის ფორმის არსებობის შემთხვევაში ბიზნესოპერატორის მიმართავს სურსათის ეროვნულ სააგენტოს განაცხადებით.
- განცხადების საფუძველზე რეგიონული სამმართველო განახორცილებს ტვირთის დახედვას ლუქავს ტვირთს და გასცემს ვეტერინარული ჯანმრთელობის სერტიფიკატს რომელიც დამოწმებულია ბეჭდით.
- ბიზნესოპერატორი ყოველი პარტიის ექსპორტისას ვალდებულია განახორციელოს სერტიფიკატში მითითებული ლაბორატორიული კვლევები, რომელიც გაკეთებული უნდა იყოს აკრედიტირებულ ლაბორატორიაში.

✓ **სერტიფიკატის გაცემის პირობები:**

1. სერტიფიკატი გაიცემა ვეტერინარული კონტროლის პროცედურების განხორციელების საფუძველზე.

2. ვეტერინარული კონტროლის პროცედურები მოიცავს:

- საქონლის თანმხლები დოკუმენტების შემოწმებას;
- საქონლის ფიზიკურ შემოწმებას;
- ეჭვის შემთხვევაში, ნიმუშების აღებას ანალიზისათვის (სერტიფიკატი გაიცემა ანალიზის უარყოფითი პასუხის შემთხვევაში)
- თუ ტვირთი არ პასუხობს იმპორტიორი ქვეყნის ვეტერინარულ მოთხოვნებს, სერტიფიკატი არ გაიცემა, რის თაობაზეც უფლებამოსილი პირი ატყობინებს განმცხადებელს.
- სერტიფიკატი არ გაიცემა, თუ განმცხადებელს სურსათთან დაკავშირებულ საქმიანობაში კრიტიკული შეუსაბამობის გამო შეჩერებული აქვს საწარმოო პროცესი.
- სერტიფიკატი გაიცემა უფლებამოსილი პირის მიერ ვეტერინარული კონტროლის პროცედურების ჩატარების საფუძველზე და საქონლის გადასაზიდი სატრანსპორტო საშუალების დალუქვის შემდეგ. არ ილუქება ისეთი ტვირთების გადამზიდავი სატრანსპორტო საშუალება, რომელზეც ლუქის დაზიანების გარეშე შესაძლებელია ტვირთთან შეხება ან ტვირთის ჩანაცვლება.

➤ ვეტერინარული სერტიფიკატის მომსახურების საფასური ექსპორტის დროს:

• **სსიპ სურსათის ეროვნული სააგენტო**

- ✓ 5 სამუშაო დღე - 150 ლარი;
- ✓ 1 სამუშაო დღე, არასამუშაო საათები, შაბათ-კვირა ან უქმე დღეები - 200 ლარი

- **სსიპ შემოსავლების სამსახური:**

- ✓ 5 სამუშაო დღე - 100 ლარი;
- ✓ 1 სამუშაო დღე - 150 ლარი;
- ✓ შაბათ-კვირა ან უქმე დღე - 200 ლარი.

- **საბანკო ანგარიშის რეკვიზიტები:**

- სსიპ სურსათის ეროვნული სააგენტოს მიმღები ბანკი - სახელმწიფო ხაზინა, მიმღების დასახელება - ხაზინის ერთიანი ანგარიში, ბანკის კოდი - TRESGE22, შემოსავლის კოდი - 707507086
- სსიპ "შემოსავლების სამსახური"-ს მიმღები ბანკი-სახელმწიფო ხაზინა ბანკის კოდი TRESGE22 სსიპ „შემოსავლების სამსახურის“ ანგარიში/სახაზინო კოდი - 707017021.



**რეკომენდაცია:**

- აკრედიტებული საგამოცდო ლაბორატორიის შერჩევითვის შეგიძლიათ გადახვიდეთ ლინკზე: <https://gac.gov.ge/ka/accredited-bodies/sectors/7;>
- დაინტერესებული პირს ჰიგიენურ სერტიფიკატის აღება შეუძლია ქვეყნის მასშტაბით საქართველოს გარემოს დაცვისა და სოფლის მეურნეობის სამინისტროს სსიპ სურსათის ეროვნული სააგენტოს მომსახურების ცენტრებში. [https://nfa.gov.ge/Ge/RegionalOffices.](https://nfa.gov.ge/Ge/RegionalOffices)



**გახსოვდეთ:**

- ვეტერინარული ჯანმრთელობის სერტიფიკატის მისაღებად დოკუმენტაცია წარდგენილი უნდა იყოს ქართულ ენაზე;
- ჯანმრთელობის სერტიფიკატის მისაღებად წარდგენილი დოკუმენტაცია თარგმანის შემთხვევაში დამოწმებული უნდა იყოს ნოტარიულად, საქართველოს კანონმდებლობით დადგენილი წესით;
- ჯანმრთელობის სერტიფიკატის მისაღებად წარდგენილი დოკუმენტაციის სისწორესა და ნამდვილობაზე პასუხისმგებელია განმცხადებელი;
- ჯანმრთელობის სერტიფიკატის გაცემაზე უარის თქმის საფუძველი შეიძლება იყოს: წარმოდგენილი დოკუმენტაციის გაყალბება, არასწორი ან/და არასრულყოფილი დოკუმენტაცია და გონივრულ ვადაში შეუსაბამობის აღმოუფხვრელობა ან განმცხადებლის სურსათთან დაკავშირებულ საქმიანობაში კრიტიკული შეუსაბამობის გამო საწარმოო პროცესის შეჩერება.



### გახსოვდეთ:

- ვეტერინარული ჯანმრთელობის სერტიფიკატი გაიცემა მხოლოდ იმ შემთხვევაში თუ ექვსის საფუძველზე ჩატარებული ანალიზის პასუხი იქნება უარყოფითი;
- უფლებამოსილი პირი ტვირთის ფიზიკური შემოწმებას ატარებს ტვირთის მდებარეობის ადგილზე და გასცემს ვეტერინარული ჯანმრთელობის სერტიფიკატს ან უარს აცხადებს გაცემაზე;
- ვეტერინარული ჯანმრთელობის სერტიფიკატი არ გაიცემა, თუ ტვირთი არ პასუხობს იმპორტიორი ქვეყნის ვეტერინარულ მოთხოვნებს ან/და განმცხადებელს სურსათთან დაკავშირებულ საქმიანობაში, კრიტიკული შეუსაბამობის გამო, შეჩერებული აქვს საწარმოო პროცესი, რომელიც უკავშირდება ექსპორტისათვის განკუთვნილ საქონელს;
- სერტიფიკატის დაკარგვის ან დაზიანების შემთხვევაში, შესაძლებელია ასეთი სერტიფიკატის შეცვლა სხვა სერტიფიკატით (დუბლიკატით). ამ შემთხვევაში, ახალ სერტიფიკატში მიეთითება იმ სერტიფიკატის გაცემის თარიღი და საიდენტიფიკაციო ნომერი, რომლის შემცვლელიც არის აღნიშნული სერტიფიკატი. ამ შემთხვევაში, ძველი სერტიფიკატი ექვემდებარება სერტიფიკატის გამცემი ორგანოს მიერ გაუქმებას.
- სერტიფიკატი ივსება ორ პირად, რომელთაგან ერთი პირი რჩება სერტიფიკატის გამცემ ორგანოს, ხოლო მეორე გადაეცემა ტვირთის მფლობელს (ან ტვირთის მფლობელის ნდობით აღჭურვილ პირს);
- სერტიფიკატის რეგისტრაცია ხორციელდება ელექტრონულად, ჟურნალში.

#### ➤ დამატებითი მოთხოვნები ევრაზიული ეკონომიკური კავშირის წევრი ქვეყნებისთვის:

- ევრაზიული ეკონომიკური კავშირის წევრი ქვეყნებია: რუსეთი, ბელორუსი, ყაზახეთი, სომხეთი, ყირგიზეთი;
- აღნიშნულ ქვეყნებში პროდუქციის ექსპორტისას სავალდებულო მოთხოვნები რეგულირდება:

Единые ветеринарные (ветеринарно-санитарные) требования, предъявляемые к товарам, подлежащим ветеринарному контролю (надзору), утвержденные Решением Комиссии таможенного союза от 18 июня 2010 года № 317

[https://fsvps.gov.ru/sites/default/files/fsvps-docs/ru/laws/tsouz/tsouz\\_vettreb.pdf](https://fsvps.gov.ru/sites/default/files/fsvps-docs/ru/laws/tsouz/tsouz_vettreb.pdf)

მესამე ქვეყნებისთვის აღიარებულ საწარმოთა რეესტრი:


<https://argus.vetrif.ru/pub/operatorui? action=listForeignEnterprise>

#### ➤ დამატებითი მოთხოვნები ევროკავშირის წევრი ქვეყნებისთვის



- ევროკავშირის წევრი ქვეყნებისათვის თევზის ზეთის, ფქვილის და თევზის საკვების ექსპორტის სავალდებულო მოთხოვნები უნდა შეესაბამებოდეს „COMMISSION REGULATION (EU) No 142/2011 of 25 February 2011” განსაზღვრულ მოთხოვნებს.  
<https://eur-lex.europa.eu/legal-content/EN/TXT/PDF/?uri=CELEX:32011R0142&qid=1727337137797>

მესამე ქვეყნებისთვის აღიარებულ საწარმოთა რეესტრი:  
<https://webgate.ec.europa.eu/tracesnt/directory/listing/establishment/publication/index#!/search>



### 3. საქონლის წარმოშობის სერტიფიკატის გაცემის პროცედურები

**საქონლის წარმოშობის სერტიფიკატი** - საქონლის აღწერის განსაზღვრული ფორმის დოკუმენტი, რომლითაც მისი გაცემისთვის უფლებამოსილი ორგანო ერთმნიშვნელოვნად ადასტურებს, რომ საქონელი, რომელზეც გაცემულია ეს სერტიფიკატი, წარმოშობილია მოცემული ქვეყნიდან. საქონლის წარმოშობის სერტიფიკატი შეიძლება იყოს პრეფერენციული (შეღავათიანი) და არაპრეფერენციული (შეღავათების გარეშე).

- **პრეფერენციული წარმოშობა** ადგენს გარკვეულ სატარიფო უპირატესობებს - იმპორტის გადასახადის შემცირებულ ან ნულოვან განაკვეთს საქონლისთვის, რომელიც ვაჭრობის საგანს წარმოადგენს პრეფერენციული ხელშეკრულების მონაწილე სახელმწიფოთა შორის. პრეფერენციული წარმოშობის სერტიფიკატების გაცემის წესები, პრეფერენციული წარმოშობის კრიტერიუმები განსაზღვრულია შესაბამისი სართაშორისო ხელშეკრულებებითა და რეგულაციებით.

- ✓ საქართველოს თავისუფალი ვაჭრობის (პრეფერენციული) რეჟიმი აქვს დამოუკიდებელ სახელმწიფოთა თანამეგობრობის (დსთ) ყველა ქვეყანასთან, უკრაინასთან, თურქეთის რესპუბლიკასთან, ევროკავშირთან, ევროპის თავისუფალი ვაჭრობის ასოციაციის (EFTA) ქვეყნებთან (შვეიცარია, ნორვეგია, ისლანდია, ლიხტენშტეინი), დიდი ბრიტანეთისა და ჩრდილოეთ ირლანდიის გაერთიანებულ სამეფოსთან, ჩინეთის სახალხო რესპუბლიკასთან, ჰონგ-კონგ, ჩინეთთან, არაბთა გაერთიანებულ საამიროებთან;

საქართველო წარმოადგენს აშშ-ს, კანადის და იაპონიის „პრეფერენციების გენერალიზებული სისტემის“ (GSP) ბენეფიციარ ქვეყანას. აღნიშნული სისტემის ფარგლებში საქართველოში წარმოშობილი გარკვეული კატეგორიის პროდუქცია ცალმხრივად სარგებლობს შეღავათით (პრეფერენციით) მითითებულ ქვეყნებში იმპორტისას. საქონლის ჩამონათვალი, რომელზეც ვრცელდება პრეფერენცია შეგიძლიათ იხილოთ შემდეგ ბმულებზე:

ამერიკა: <https://ustr.gov/issue-areas/trade-development/preference-programs/generalized-system-preferences-gsp/gsp-program-i-0>

იაპონია: <https://www.mofa.go.jp/policy/economy/gsp/explain.html#:~:text=GSP%20provides%20benefits%20to%20developing,effective%20until%20March%2031%2C%202031.>

კანადა: <https://unctad.org/publication/gsp-handbook-scheme-canada#:~:text=Canada%C2%B4s%20General%20Preferential,expire%20on%2031%20December%202024>

- საქართველოს საბაჟო ტერიტორიიდან საქონლის გატანისას გაიცემა შემდეგი სახის პრეფერენციული წარმოშობის სერტიფიკატები:

- ✓ პრეფერენციული წარმოშობის სერტიფიკატი CT-1 - ქართული წარმოშობის საქონლის დსთ-ს ქვეყნებში ექსპორტისას;
- ✓ პრეფერენციული წარმოშობის სერტიფიკატი EUR.1 (იგივე გადაადგილების სერტიფიკატი EUR.1) - ქართული წარმოშობის საქონლის ევროკავშირის ქვეყნებში, თურქეთის რესპუბლიკაში, EFTA-ს სახელმწიფოებში, დიდი ბრიტანეთისა და ჩრდილოეთ ირლანდიის გაერთიანებულ სამეფოსა და უკრაინაში ექსპორტისას;
- ✓ საქონლის შეღავათიანი (პრეფერენციული) წარმოშობის სერტიფიკატი – ფორმა «A» - გაიცემა ქართული წარმოშობის გარკვეული საქონლის აშშ-ს, კანადასა და იაპონიაში ექსპორტისას;
- ✓ „საქართველოს მთავრობასა და ჩინეთის სახალხო რესპუბლიკის მთავრობას შორის თავისუფალი ვაჭრობის შესახებ“ 2017 წლის 13 მაისის შეთანხმებით გათვალისწინებული პრეფერენციული წარმოშობის სერტიფიკატი (წარმოშობის სერტიფიკატი ჩინეთი) - ქართული წარმოშობის საქონლის ჩინეთის სახალხო რესპუბლიკაში ექსპორტისას;
- ✓ „საქართველო-ჰონგ-კონგის, ჩინეთის თავისუფალი ვაჭრობის შესახებ“ 2018 წლის 28 ივნისის შეთანხმებით გათვალისწინებული პრეფერენციული წარმოშობის სერტიფიკატი (წარმოშობის სერტიფიკატი ჰონგ-კონგი) - ქართული წარმოშობის საქონლის ჰონგ-კონგ ჩინეთში ექსპორტისას;
- ✓ საქართველოსა და არაბთა გაერთიანებულ საამიროებს შორის „ყოვლისმომცველი ეკონომიკური პარტნიორობის შესახებ“ 2023 წლის 10 ოქტომბრის შეთანხმებით გათვალისწინებული პრეფერენციული წარმოშობის სერტიფიკატი (წარმოშობის სერტიფიკატი არაბეთი) - ქართული წარმოშობის საქონლის არაბთა გაერთიანებულ საამიროებში ექსპორტისას;



### გახსოვდეთ:

პრეფერენციული წარმოშობის სერტიფიკატის მისაღებად პროდუქცია უნდა აკმაყოფილებდეს შესაბამისი საერთაშორისო ხელშეკრულებით განსაზღვრულ წარმოშობის კრიტერიუმს;

- საქართველოში საქონლის წარმოშობის სერტიფიკატების გამცემი უწყებებია:
  - ✓ სსიპ – შემოსავლების სამსახური;
  - ✓ საქართველოს სავაჭრო-სამრეწველო პალატა.




**გახსოვდეთ:**

- საქართველოს სავაჭრო-სამრეწველო პალატა გაცემს მხოლოდ პრეფერენციული წარმოშობის სერტიფიკატ CT-1-ს, ფორმა «A»-ს და საქონლის არაპრეფერენციული წარმოშობის სერტიფიკატს;
  - თუ წარმოშობის სერტიფიკატი გაიცემა შემოსავლების სამსახურის მიერ, სერტიფიკატის გაცემისათვის განაცხადი და ყველა საჭირო დოკუმენტაცია შეიძლება წარდგენილ იქნეს ელექტრონული ფორმით შემოსავლების სამსახურის ვებ-გვერდის [www.rs.ge](http://www.rs.ge)-ს საშუალებით;
  - CT-1 სერტიფიკატის მისაღებად შემოსავლების სამსახურში განცხადების წარდგენა ხდება მხოლოდ ელექტრონული ფორმით გადამხდელის ავტორიზებული გვერდიდან ([www.rs.ge](http://www.rs.ge)). სერტიფიკატის მიღება შესაძლებელია ნებისმიერ საბაჟო გამშვებ პუნქტსა და გაფორმების ადგილას, ასევე, შემოსავლების სამსახურის მომსახურების დეპარტამენტის ნებისმიერ სერვის ცენტრში.
- **თევზის ზეთის, ფქვილის და თევზის საკვების ექსპორტზე წარმოშობის სერტიფიკატის მისაღებად წარსადგენი დოკუმენტებია:**
- განცხადება (უნდა შეიცავდეს საქონლის დასახელებას სასაქონლო კოდის ოთხნიშნა (ფორმა A-ს შემთხვევაში თერთმეტნიშნა) დონეზე მითითებით, საქონლის ოდენობას, ექსპორტიორისა და იმპორტიორის დასახელებას, მისამართსა და ქვეყანას);
  - დეკლარაცია საქონლის კუთვნილებისა და კრიტერიუმების შესახებ, საქართველოს მთავრობის N453 დადგენილების N4 დანართის შესაბამისად;
  - ანგარიშ-ფაქტურა (ინვოისი);
  - საჭიროების შემთხვევაში, უფლებამოსილმა ორგანომ, საქონლის წარმოშობის დადგენის მიზნით, შესაძლებელია მოითხოვოს დამატებითი დოკუმენტები, როგორცაა ნედლეულის შემენის/იმპორტის დამადასტურებელი დოკუმენტაცია, თევზჭერის ლიცენზია, წარმოების ტექნოლოგიური სქემა, კალკულაცია და სხვ.



### გახსოვდეთ:

- საქონლის წარმოშობის სერტიფიკატის დაკარგვის ან დაზიანების შემთხვევაში ექსპორტიორის განცხადების საფუძველზე გაიცემა „დუბლიკატი“. დუბლიკატის მოქმედების ვადა აითვლება ორიგინალი სერტიფიკატის გაცემის თარიღიდან;
- საქონლის წარმოშობის სერტიფიკატის გაცემა შესაძლებელია საქონლის ექსპორტირების შემდეგაც (რეტროსპექტიულად). ამ შემთხვევაში სერტიფიკატის გამცემ ორგანოს დამატებით წარედგინება საქონლის ექსპორტის დამადასტურებელი დოკუმენტი, მაგ., ექსპორტის დეკლარაცია;
- საქონლის წარმოშობის სერტიფიკატი გაიცემა განაცხადის რეგისტრაციიდან არაუგვიანეს **3 სამუშაო დღისა**;
- შემოსავლების სამსახურის მიერ სერტიფიკატი გაიცემა უფასოდ.



## 4 მარეგულირებელი საკანონმდებლო ბაზა

- „ვეტერინარულ კონტროლს დაქვემდებარებული პროდუქტების ექსპორტის დროს გამოსაყენებელი ვეტერინარული (ჯანმრთელობის) სერტიფიკატების გაცემის წესის დამტკიცების შესახებ“ საქართველოს მთავრობის 2021 წლის 2 აპრილის №147 დადგენილება
- „საჯარო სამართლის იურიდიული პირის – სურსათის ეროვნული სააგენტოს მიერ მომსახურების გაწევის ვადისა და საფასურის დამტკიცების შესახებ“ საქართველოს მთავრობის 2011 წლის 31 იანვრის №59 დადგენილება.
- „ტექნიკური რეგლამენტის – „ცხოველური წარმოშობის არასასურსათო დანიშნულების პროდუქტისა (მათ შორის, ცხოველური ნარჩენების) და მეორეული პროდუქტის, რომლებიც არ არის გამიზნული ადამიანის მიერ მოხმარებისათვის, ჯანმრთელობისა და ამ საქმიანობასთან დაკავშირებული ბიზნესოპერატორის აღიარების წესების“ დამტკიცების შესახებ - საქართველოს მთავრობის 2017 წლის 29 დეკემბრის №605 დადგენილება
- „ცხოველის საკვების ჰიგიენის წესის დამტკიცების შესახებ“ - საქართველოს მთავრობის 2020 წლის 13 მარტის N173 დადგენილება

გზამკვლევაში წარმოდგენილი ინფორმაცია მომზადებულია 2025 წლის მოქმედი კანონმდებლობის შესაბამისად